

454


Г. А. ФЕДОРОВ

ЮРГӨ ВӨР

КОМИ АССР-Ү. СЫКТЫВКАР
СОЮЗ ПИСАТЕЛЕЙ



КОМИ ГОСИЗДАТ • 1952



Г. А. ФЕДОРОВ

ЮРГÖ ВÖР



ÖТИ ДЕЙСТВИЕА ПЪЕСА

КОМИ ГОСУДАРСТВЕННОЙ ИЗДАТЕЛЬСТВО
СЫКТЫВКАР 1952

ВОРСЫСЬЯС:

Л Е Н А — колхозница, 20 арёса.

З И Н А — лесоучастокын комсомольскöй организация-
са секретарь, 19 арёса.

П Е Т Р О В Н А — Зиналөн бабушка, узкоколейнöй
кörtтуйвывса разъездын стрелочница.

Л Ё Ш А — машинистлөн помощник, 25 арёса.

Действие муно Коми АССР-са механизированной леспромхозын. Сцена: лесовозной корттуывывса разъездын служебной помещение. Кык одзос: ывлао да мод комнатао. Неуджыд диван. Пызан. Телефон. Часі. Репродуктор. Любитель-художниклөн рисуйтөм пейзажъяс. Сталин ёртлөн портрет, лозунг: «Коммунизмлөн великой стройкаяслы унджык вөр!»

Төвся рыт. Кыло туроблөн шутьлялөм. Отчыд-мөлысь тутөстлө паровоз. Сералгтыр ывлаысь котөрөн пырöны З и н а да Л ё ш а. Кыкнанныс лымйөсьсьомабсь.

ЗИНА. Ой, и туроб! Вот и туроб!

ЛЁША. Татшөм туроб дырйи не өти, а вит снегоочиститель колө. Öти линия весалöны, а сэк кості мукөд нельсö тыртө.

ЗИНА. Уф!.. (Пуксьö диван вылö да зырало кыммöм пельсö.) Суин?

ЛЁША (пыркнитö лымсö). Пос тшупöдö мытшаси.

ЗИНА. А то суин эськö?

ЛЁША. Дерт. Съодбöжöс налькйö моз кыйи.

ЗИНА. Менö суöдысьыс абу на чужöма!
(Друг лои серьёзнöй, видзöдö Лёша вылö.)
Ой!..

ЛЁША. Мый?

ЗИНА. Вот юрыд! Ме и вунöдлі, мый кокыд тэнад ранитчöма. Позьö öмöй тадзи котравны? Доймö?

ЛЁША (шутитигтыр). Колökö, йökтышта?

ЗИНА. Тэ, Лёша, эн збояв. Видзны колö асьтö. (Мунö телефон динö.) Нөрöвитышт, меным колö диспетчерскöйö звönитлыны да висьтавны... (Бергöдлö телефон ручка.) Диспетчерскöй? Сёрнитö путейскöй бригадалөн бригадир Зина Корнева. Докладывайта: квайтöд поточнöй линияö туй лои весалöма. Да, состав позьö мөдöдны... Коді тайö? Тэ, Маня? Чолөм, Маня. Ой, кызди нöбалö! Паровоз? Пес босьтö. Мыйөн эштас, мөдöдчас нельöд поточнöй вылö... Маня, эн вунöд: талун клубын выступайтам. Водздзык лок — репетируйтыштам. Ладнö? Виччысьны кута. (Öшöдö трубка.) Мый сідзи видзöдан?

ЛЁША. Шензя, кызди тэнад кадыс да выныс быдлаö тырмö!

ЗИНА. Кытчö-кытчö, а художественнöй самодеятельность вылад тырмас. Комсомольскöй

секретарлөн веськыд мог. (*Кывзысьбө.*) Со мый вöчö турöбыс! Страсьт!

ЛЁША. Сы вöсна ми талун муртса эгö сибдö.

ЗИНА. Кытөн?

ЛЁША. Баддя шордорса подъём вылын. Вөр-сö сэтöни кералöма, местаыс куш. Пургалы вö-ля! Локтам сэтi тыра составөн, ог вермö подь-ёмсö кайны — кöть тэ мый сэсса вöч! Вийсим ми, вийсим. Песным быри — ставсö сотим.

ЗИНА. Но и кызди сэсса?

ЛЁША. Муним пес корсьны. Öтарö, мöдарö... Лымйыс морöсöдз. Нöбалö. Ой!..

ЗИНА. Аддзинныд?

ЛЁША. Лым улысь перйим. Эновтöм важ пес. А миянлы—дзонь клад!

ЗИНА. Зэв бур.

ЛЁША. Но и пöсъявлим жö, кор новлим паровоз вылö!

ЗИНА. Дерт нин, кöнкö... Молодцы, зонъяс! Стенгазетаö гижа тайö рейсныд йылысь. И рисунок вöча ачым.

ЛЁША. Аттö. Висьтала ёртъяслы.

ЗИНА. Благодарит найöс комсомольскöй организация нимсянь. (*Пауза.*) Туй вылын уджалысьяс талун ставныс лым весалöны. Öбе-дайтны весиг эз мунны, мöд смена кольччисны уджавны. Сöмын пöсь сёян корисны.

ЛЁША. Фронт вылын моз.

ЗИНА. Мортлөн кö сьөлöмыс öзъяс—гöра бергöдас! Тэ видзöд: со öни лёк турöб, ставсö лымйөн тыртö, а поездъяс век ветлöны. И вөр лэччö! Юргö вөр! Тракторъяс шыөн, паровозъ-

яс горон, песнясөн! Лөсьыд! Вот эськө сэтшөм картина рисуйтны! Да өд?

ЛЁША (*видлалө стеньсыь рисунокъяс*). Лөсьыда тэ, Зина, рисуйтчан! Тэныд колө художественной техникумө мунны.

ЗИНА. Ог. Ме лесотехнической институтө муна. Инженер-лесникон лоа.

ЛЁША. Збыль дай?

ЗИНА. Мыйта вөр мянлы колө! Куш сөмын великой стройкаяслы уна тысяча состав.

ЛЁША (*шутитөмпырысь*). Пөжалуй, нинөм оз и коль, ставсө кералам.

ЗИНА. Вöрыд оз быр. Сийө мян оз хищнической разрабатывайтсыь, а төлкөн, научной. Малоценной пуяс пыдди быдтöны колана, ценной породаяс. Ставыс вöчсьö план серти, наука серти.

ЛЁША. Сидз... А рисуйтчыны кызди кутан?

ЗИНА. Рисуйтчыны кута прөст кадö... Петкөдлыны тэныд, кутшөм выль картина көсья ме рисуйтны? (*Пызанйöрысь кыскö эскиз.*) Видзөд. Этані со кык электропильщик. Пөрö ён пожөм. Эстөн передвижной электростанция. Этайö — трелёвочной трактор кыскö пуяс. А ылын — поезд нуö вөр... Аддзан, мян мектаяс, мян вөр, мян йöз, быдлуныя уджным мян. Но меным окота сидзи рисуйтны, мед эськө быдөн, коді аддзас картинасö, чувствуйтис, кутшөм лөсьыд вöрын, кутшөм кыпыд сьөлөмөн уджалöны йöзыс! Гөгөрвоан?

ЛЁША. Гөгөрвоа.

Репродукторысь гөлөс: Внимание! Сёрнитö леспромхозлөн радиоузел. Талуи, 8 час рытын, коймөд

лесоучасток клубын лоо Иванов ёртлөн лекция: «Вёр-
лэдзысьяс мир вахта вылын». Лекция бёрын лоо худо-
жественной самодеятельность.

ЗИНА. Ой, кадыс мый өдийө мунө, а ми боль-
гам... Лена Колиповаөс ещө колө аддзөдлыны,
сыкөд репетируйтыштны.

ЛЁША. Öдвакө сийө кутас сывны.

ЗИНА. Тэ сідз чайтан?

ЛЁША. Тöрыт сийө меным вöлі записка ыс-
тöма да корöма волены, колө пö сёрнитыштны
өтитор йылысь. А менам буретш напарник
висьмис, кык смена дорыв ковмис уджавны.
Сэсса аддзи Ленаөс, а сийө и здоровайтчыны
оз кöйы. Мөдарө бергөдчис.

ЗИНА. Чорыд характерыс.

ЛЁША. Зина, ме кöсья өтитор йылысь юав-
ны тэнсьыд... сёрнитышт сыкөд...

ЗИНА. Мый йылысь?

ЛЁША. Висьтав сылы, мый ме... (*яндысиг-
тыр мытшасис*) радейта сийөс зэв... Вот мый.

ЗИНА. А сийө нө оз төд?

ЛЁША. Төдө.

ЗИНА. Мыйла нө меным ещө колө вись-
тавны?

ЛЁША. А сідз. Крепыдджык мед вöлі. Гаш-
кө, сийө оз верит меным.

ЗИНА. Ладнө. Висьтала. (*Петкөдлө эскиз
вылө.*) А кызди, Лёша, правильнöя ме паро-
возсö рисуйти?

ЛЁША. Ылөсас правильнö. Вот тендерсö ме
эськө нюжөдышти. Со кызди кымын. Видзөд.
(*Копыртчöны эскиз весьтö.*)

Пырö Лена. Сійö — ватника, мича сера шалля. Киас кутö нейджыд чемодан. Лёшаöс да Зинаöс öтлаысь ка-зялём мысти шатовмунö бөрлань да көсийö бөр петны, но Зина да Лёша адзöны сійöс; Лена шöйöвошöмön сувтö да быттьökö пыркöдö коксö.

ЛЁША. Лена?! (*Мунö сылы паныд.*)

ЗИНА. Вот и бур, мый локтин!

ЛЕНА. Буракö, торки тiянöс?

ЛЁША. Мöдарö. Муртса на тэнö казтылим... (*Чуймöмön.*) Тэ нö мый чемодана?

ЛЕНА (*мöдарö бергöдчис*). Мый вöчсьö ывлаас! Турöбыс! Ладнö кутшöмкö бур морт лысьяс сутшкалöма туй пöлöныс...

ЗИНА. Менам баб.

ЛЕНА. А то эськö пырсис съод вöрас кöинъяс дiнö... Зина, регыд кутас поезд лэччыны базаö?

ЛЁША. Первой ветлам нельöд поточнöй вылö, а сы бöрын...

ЛЕНА (*торкö*). Ме ог тэнö юав.

ЗИНА. Мыйла тэ сiдзи ськöд?..

ЛЕНА. Қыдзи?

ЗИНА. Сійö тэкöд сьölöмсянныс, а тэ... Висьтав, мый лои?

ЛЕНА. Сiдзи, нинöм...

ЗИНА. А мыйла тэныд поездыс?

ЛЕНА. Мунны.

ЛЁША. Қытчö?

ЛЕНА (*чöv олыштöм мысти*). Гортö.

ЛЁША. Мыйла?

Пауза

ЗИНА. Пышъян? Повзин?

ЛЕНА (өзйө). Ме? Юав кодлысь окота—
пола ог ме уджысь!

ЗИНА. Тэ жö көсьян вöлі кольччыны. Пом-
нитан, мый шулін?..

ЛЕНА. Помнита...

ЗИНА. Сезонникъяс пöвстысь медбур стаха-
новка! Сёрнитчылін жö, мый тэ кольччан пос-
тояннöй кадрö. Тэ велöдчыны вöлі көсьян,
специальность шедöдны.

ЛЕНА (дöзмөмөн). Куш сёрнитайö. Кымын-
ысь ме лесочастокса начальниклы аслам ве-
лöдчөм йылысь гаравли? Век нинөм. Кад сылы
оз сюр колхозкөд сёрнитыштны. (Волнуйтчөм-
өн.) Некутшөм отсөг абу. А ме ог көсийы сизим
класс помалөмөн кольччыны. Қолхозсянь менö
мөдөдасны велöдчыны...

ЗИНА. Неқытчö тэ он мун. Ме ачим сёрнита
начальниккөд, парторгкөд. Ковмас кө—колхоз-
ыдкөд йитчыла да сёрнита, мед лэдзасны тэнö.
Ставсö кок йылö сувтöда. И кутан тэ велöдчы-
ны. Қылан, Лена?

Звөнитö телефон. Зина босьтö трубкасö.

Қывза. Да, ме. Көні? Контораын? Началь-
ник сәні нин? Бур. (Өшөдö трубка, пасясьö да
шапкаасьö.) Срочнöй планерка. Вот буретш и
сёрнита сәні тэ йылысь... Лёша, эн лэдз сийөс,
кытчөдз ме ог лок.

ЛЁША. Қывза!

Зина котөрөн петö.

ЛЕНА (Зина бөрся вöтцигмоз). Зина!..
(Көсийö восьтыны өдзөс.)

ЛЁША (кватитё Ленаёс киёдыс). Стоп!

ЛЕНА. Лэдз!

ЛЁША. Ог лэдз!

ЛЕНА. А ме шуа, лэдз. Кылан?

ЛЁША. Қомсомольскөй организацияса секретарлөн кывйыс—меным закон.

ЛЕНА. Сійё эз тшөкты киёд кватлавны менё. (Мездё кисё.)

ЛЁША. Лена, мыйысь тэ ме вылө лөгалан?

ЛЕНА. Месянь записка воліс тэныд?

ЛЁША. Воліс. Но ме...

ЛЕНА. Эн правдайтчы. Эн лок—и ладнө.

ЛЁША. Тэ кывзы, кызди лои.

ЛЕНА. Нинөм ог кут кывзыны.

ЛЁША. Со кызди вөлі...

ЛЕНА. Верман не висьтавны.

ЛЁША. А тэ первой кывзы... Висьмис напарникөй. Гөгөрвоан? Сы пыдди ковмис меным ветлыны...

ЛЕНА. Но и ветлы наздоровье.

ЛЁША. Со өд тэ кутшөм! Он көсйы гөгөрвоны...

ЛЕНА. Кутшөм эм... (Пауза.) Кутшөма вөлі колө меным тэнад волөмыд сэки, а тэ... тэныд мог абу меөдз!

ЛЁША. Кызди сідз мог абу?

ЛЕНА. Абу, дерт. Эн вермы здук кежлө воыны—меным сэтшөма вөлі колө сөветуйтчыштны...

ЛЁША. Да ме кө эськө төді, мый гортад лөсьөдчан...

ЛЕНА. Сійё өд и эм, Алёша, мый он төд тэ

менö, ни думъясöс, ни сьöлöмöс менсьым он
тöд. А шуан—радейта пö...

ЛЁША. Лена!.. *(Уськöдчö сыланьö.)*

ЛЕНА *(кинас тöйыштсьö сы дорысь)*. Оз
ков, дугды вай... Задание ме тырті,—и гортö
кад. *(Чöв ланьтліс, ышловзис.)* А мунны вот
абу окота.

ЛЁША *(нимкодя)*. Сідзкö кольччы!

Тутöстö паровоз.

Эх!.. Босьтöма нин пессö. Мöдöдчыны кöсйö.

ЛЕНА. Нельöд поточнöй вылö?

ЛЁША. Да. Локтам сэтысь—вөр тырөн ба-
заö лэччам.

ЛЕНА. Вот и ме муна тiянкöд, кор воанныд.

ЛЁША. Некрытчö тэ он мун, Лена!

Паровоз некрымынысь тутöстö.

А, тайö жö нин! Чуксалö.

Паровоз тутöстö.

ЛЕНА. Котöрт. Прöщайтлы, Лёша.

ЛЁША. Лена!

Паровоз тутсö-горзö.

Эх! Этша нин сёрнитан, кор этадз горзöны!
Регыд бөр воа, сэки сёрнитам. Радейта! Гөгөр-
воан? *(Друг кутыштлö Ленаöс да окыштö.)*

Пырö Петровна, пöнара, лымйöсь.

ЛЕНА *(чепöсйис Лёша бердысь да тупкис
кинас чужöмсö)*. Ой!

ПЕТРОВНА. Сылы горзöны, тутсöны, а сйö
со окасьö тані.

ЛЁША (*кватитіс кепысьсö ба лөсьöдышитіс шапкасö*). Эх-ма, чöскыд ма! Котöрта! Пуля моз лэбзя! (*Котöрөн петö.*)

ЛЕНА (*яндысигмоз*). Ошкыд!.. Муртса сьылдзир эз бергöд...

ПЕТРОВНА. Тайяс, бара, бергöдасны... Олышт, дона ныв. Ме, час, поезд мөдöда. (*Петö.*)

Лена ляскысис пемыд öшинь бердö. Видзöдö' пемыдас. Паровоз тутсö. Поезд, кылö, ылыстчö, дзыкöдз муно.

ЛЕНА (*шöпкöдö*). Лёшенька!

Пырö Петровна.

ПЕТРОВНА. Но вот и мөдöдi. (*Пöльыштö пöнарсö.*) Позьö и лолыштны сэсся. (*Пöрччысьсö.*) Дзык жö нин мувежандыр кодь ывлаыс. Ок-ок-ок... Нöбалö, и нöбалö. Кысь и сы мында лымйыс?..

Звöнитö телефон.

Мый ещö сэн лои? (*Локтö, босьтö трубка.*) Разъезд. Петровна, будочница. Порожняк, шуан? Примитам. Мөдöдöй. Туйсö весалисны. Позьö. А тiян кыдзи сэн? Лымйөн пöдтö, шуан? Мат жö нин тайö. Ладнö. Мөдöдöй. (*Öшöдö трубкасö.*)

ЛЕНА. Формировочнöйсянь?

ПЕТРОВНА. Сэсянь. Ок-ма, пöрысьмыны тай кути! Мудза нин. А важөн көр моз котравли... (*Лөсьöдö пызан вылö сёйны, вайö чайник.*) А Зинаыс нö менам кытчö воши?

ЛЕНА. Контораö корисны.

ПЕТРОВНА. Атто жö тайö ныв! Кымынöдысь нин щай шонта! Котралö и котралö. А тэ, нылö, мед эськö пöрччин ватниктö.

ЛЕНА. Аттьö, бабушка. (*Пöрччö шаль да ватник, пуктö аслас чемодан вылö. Öнi Лена— лöз сарапана, еджыд партука, вышивайтöм соска ковтаа, кöса помас шöвк лента.*)

ПЕТРОВНА. Со öд тэ кутшöм лöсьыдиник вөлöмыд, бобö. Дзик жö нин вадор берба кодь мича. А синмыд мый шог?

ЛЕНА. Сидзи, бабушка. Прöйдитас.

ПЕТРОВНА (*чай кисьталігмоз*). Де-ерт! Мый нö тэ арлыдö шогсьынысö? Шог эн корсь, печаль эн öкты, свадьбаöдзыд сьыв да йöкты.

ЛЕНА (*нюммуныштiс*). А свадьба бöрын?

ПЕТРОВНА. Сэkitö — кодлы кызди удайтчас. Мукöд мужиккöд олöмыд — мича ягын гуляйтöм кодь. А веськалас и — джуджыд йирö моз ызгысян, сöмын удит петны сэтысь... Мый тунавны? Ю щайсö.

ЛЕНА. Аттьö. (*Пуксьö пызан бердö.*) Зэвнин лöсьыда тэ сёрнитан, бабушка. Сьölöмöдзыд мөрччö.

ПЕТРОВНА. Пöрысь понйыд пö тыртöм пуö оз увт. (*Юö блюдъяс пöлялігтыр.*) Чöскыд и щай! Велалöма да, менö няньön эн верд, а щайнад чöсмöдышт. (*Казяліс Леналысь чемодансö.*) Тэнад?

ЛЕНА. Менам.

ПЕТРОВНА. Кытчökö мөдөдчöмыд?

ЛЕНА. Гортö. Сезонник ме.

ПЕТРОВНА. Сидз, сидз... А нимыл кызди?

ЛЕНА. Колипова Лена.

ПЕТРОВНА. Колипова? Қывлі, сідзкө. Төда! Лыддылі асланым газетысь. Бура пө тай уджалан. Ошкөны. Мый нө, либө, мунны думыштөмыд татшөм бур уджалысьыс? Гажтөм босьтис?

ЛЕНА. Эз, бабушка. Велөдчыны көсья. Тани өд ме подсобной удж вылын. Велөдчөм боксянь дзик ог быдмы. *(Ышловзбө.)* Муннысө вот абу окота татысь... Матуш кө вөлі ловья, эськө велөдіс, кызди овны.

ПЕТРОВНА. Кутшөмкө висьөмысь кувліс мамыд али мый?

ЛЕНА. Страдуйтігөн ключ ва юис. Недель висьөдчис — сідзи и колимө коньөрүшкаяс мамтөг.

ПЕТРОВНА *(паузатор бөрын)*. Вай ещө кисьта. *(Кисьтө.)* Коді нө өні гортад сөсся эм?

ЛЕНА. Бать. *(Босьтө чашка.)* Аттьө. *(Пауза.)* Вөліны чойяс, да верөссайө муналісны.

ПЕТРОВНА. Асланыс позьясө быдөн? Сідз, сідз... А тэ, ме тэныд шуа, эн шогсьы. Шогысь өти лекарство эм: ярджыка уджавны. Земля-матиөс шонді баситө, а мортөс удж пө кра-ситө.

ЛЕНА *(яндысьөмөн)*. Лөсьыд, бабушка, тэ-көд, бытьтө и абу төдтөм. Быд кыв тэнад сэтшөм мелі да небыд, мамлөн кодь.

ПЕТРОВНА. Вот и бур, сьөлөм вылад кө вои.

ЛЕНА. Тэ пө, бабушка, нэмтө олөмыд вөрын?

ПЕТРОВНА. Да. Меным вөрыд, дона ныв, гортсьыс горт. Вөрын быдмылі, том кадөс сэн колли... А босьтны кө өнія кад — кутшөм визув

олöмыс миян. Вöрын поездъяс ветлöны! Налы сöмын удит — стрелкаяс вештав. Телефонъяс звöнитöны, радио сёрнитö. Клубын концертъяс, кино овлö. Уджалысьяс асьныс йöктöны, сьылöны. Карысь артистъяс воывлöны. Магазиныс кутшöм бур миян! Керкаясыс! Гөгөр ордйысьöмөн уджалöны. Кутшöм зонмös либö нылös он босът, — öти мöдысь шаньджыкöсь. Стахановецьяс! Видзöдан да любöйд петö! Сталинградлы вөр мөдöдам, Каховкалы. Бура уджалöмысь наградиталöны. Со, видзöд! И менö, пöрысьöс, эз ордйыны, «За трудовое отличие» медаль сетисны. (Пауза.) Вöли кö ме томджык, Зинукöй моз лунтыр эськö котралі ачым. Да... Вöрыд миян — вердан-вердысьыс.

ЛЕНА. Ме зэв жö радейта вöртö. Батьöй öд менам вöралысь. Дас вит ошкös виліс.

ПЕТРОВНА. Со öд! Вай ещö кисьта?

ЛЕНА. Тырмас сэсся. Аттьö. Оз нин ков... Зонъясыд миян семьяын эз вöвны, да бать мукöд дырйи менö босътлывліс матысса чöстуйясö. Лыйсьыны велöдіс. Ме, бабушка, урыдлы веськыда синмас инма мелкокалиберкаысь.

ПЕТРОВНА. Чöv, чöv?!

ЛЕНА. Ага, некымынысь инмылі. Мекöд батылы гажаджык вöлі. Ветлödлiгкостаыс идрася, пуся, пелькöдча. Бать локтас, а менам ставыс нин дась — и öбед, и вольпась, и бипур ывлаын сэтшöм гажа. Шыбитан лыс — вежтшын кутас кайны...

ПЕТРОВНА. Чö-öскыд дука!

ЛЕНА. А рытыс пемыд-пемыд! Кодзувъяс — йи тор кодьöсь. Бать панясыштас, пуксяс ур

кульны. А пу туганъясын төвтор шувгыштө. Кыр горулын шор сялякылө. Пукся би дорө, кывза — и сэтшөм лөсьыд! Мыйсө он думайт! Думөн свет гөгөрыс кытшовтан.

ПЕТРОВНА. Тода, майбырöй, тода. Ачым кымынысь би дорад сідзи куткырвидзлі. Кыван сизим юра гундыр йылысь либө лөк Ягморт йылысь мөйдөм, сэсся и тіралан пипу кор моз... А тэсө мыйджык думайтлывлін?

ЛЕНА. Ме век вөлі думайта, кызди овны кута, кор быдма. Гырысь каръяс йылысь, быдсяма машинаяс йылысь. Шуд йылысь...

ПЕТРОВНА. Шудыд, нылө, абу чери, ни абу орда — абу кока, ни абу борда, тэ вылө оз зурась ачус. Шудтө уджөн перйөны.

ЛЕНА. Уджысь ме ог пов. Вот велөдча — и локта тіянө, татчө уджавны. Кажитчис меным тані... Кор ме мөдөдчылі татчө, чайта вөлі, мися важ моз уджалөны прөстой пилаөн либө лучковөйөн, а вөрсө вөлөн петкөдлөны...

ПЕТРОВНА. Важөнтө сідзи и вөлі, муса ныв.

ЛЕНА. А кор локті, кыла — юралө вөр! Ставнас юргө! Локті первойысь делянка вылө—синмөй чашкаліс. Машинаяс, машинаяс. Отилаын — электростанция уджалө, мөдлаын трактор дзонь пуяс кыскө.

ПЕТРОВНА. Сідзи, сідзи, шөвк туг.

ЛЕНА. Ой, а кутшөм ён сійө! Төндзи видзөда: эстшөм ыджыд нукөр пожөм вайис көрттуй дорө. А сәні — электролебөдка ләпталө пуяссө платформа вылө... Эг удит очмыны, а платформаяс тырөмаось нин и поезд мунөма.

ПЕТРОВНА (гордитчөмөн). Оти кывйөн

шуны — сталинско́й техника! Да! Вöрыд абу важкодö öнi. Сталинско́й нэмö олам. Аддзылiн, кыдзи öнi пилитчöны?

ЛЕНА. Ачым, бабушка видлi. Босьтi электропила, эсiдз лöсьöдi пу бердö — сийö тай вый пытшкö моз кутiс пырны. Öти здук — и гöтов. Мойдын моз.

ПЕТРОВНА. Мойдыс, донукöй, сöмын на заводитчö. Водзö мый лоö! А тэ со мунны кöсьян.

Звöнитö телефон. Петровна босьтö трубка.

Разъезд! Ме. Нельöд поточнöйсянь петiс? Бур. (*Öшöдö трубкасö.*) Бөр нин локтö. Ветла стрелка вешта дай весальшта. Бара нин, көнкö, тыртiс. (*Öзтö пöнар да пасьтасьö.*) Тэ, нылö, мед эськö Знакöд сёрнитыштiн мунтöдзыд.

ЛЕНА. Знакöд? (*Зумгыртчылö.*) Öг нин...

ПЕТРОВНА. Мый сiдз он?

ЛЕНА. Сылы, гашкö, оз зэв и ков, мед ме кольччи да.

ПЕТРОВНА. Мый, мый? Мый тэ висьталiн, нылö? Эг вела в ме.

Когөрөн пырö Зина, ставнас лым, чужöмбаньясыс гёрдöдöмабсь кöдзыдысла.

ЗИНА. Бөръя юөръяс, бабушка! Арктика лёкалö! Турöб чорзьö!

ПЕТРОВНА. Тайö жö нин Арктика!..

ЗИНА. Лымкöд вермасьны петöны специальнöй бригадаяс. Ме кута комсомолецьясөн командуйтны. Көнi менам шоньд кепысьöй?

ПЕТРОВНА. Пыдiын эстөн... Тэ кöть сёйышт, нылö. Пöсь щайсö юышт.

ЗИНА. Некор. Вай либõ öти чашка...

ПЕТРОВНА. Кисът, ме пета стрелка веш-
тыны.

Зина кисътõ чай да сувтсõн юõ.

Да тэ, пуксы, пуксы! Қокыйвсыйд öд усян.
Қылан?

ЗИНА. Ог усь. Тадзтõ меным бурджык. А тэ,
Лена, мый он ю?

ЛЕНА. Аттьõ. Ме юи нин.

ПЕТРОВНА (*Зиналы*). Тэ вай висьтав ме-
ным, мый тi керсянныд?

ЛЕНА. Бабушка...

ЗИНА. Қызди керсям?

ПЕТРОВНА. Да вот он кõсый, мед нылыс
леспромхозõ кольччис,

ЗИНА. Ме?

ПЕТРОВНА. Тэ.

ЗИНА. Ме ог кõсый? Қаститчис кõ тэныд-а?
(*Гораа сералõ.*)

ПЕТРОВНА. Тэныд век серам.

ЗИНА. Лена, мый тайõ? Мый йылысь тi танi
сёрнитiнныд?

Лена юрсõ улõ лэдзõма да чõв олõ.

Висьтав вай! Ме дзик нинõм ог гõгõрво.

ПЕТРОВНА. А ме гõгõрвоа.

Зина бергõдчõ сыланьõ.

Алешасõ, тыдалõ, сылысь мырдян, маши-
нистлысь помощниксõ.

ЗИНА. Алешаõс?

ПЕТРОВНА. Öнтай сийõ Лена гõгõр вõли
бергалõ. А сы водзвылын кодкõд вõли панла-
сьõсõ? Аддзыли öд ме!

ЗИНА. Нинөмсө тэ, бабушка, абу гөгөрвоо-мыд. Ставсө дзуган-гудралан.

ПЕТРОВНА (*ропкөдчөмөн*). Дзуга... Дзуга кө, асьныд босьтөй дай разьөй! А ме муна. Не-кор меным тиянкөд тан шердйысьны. (*Мунө.*)

ЗИНА. Лена! Кывзы жө, мый ме тэныд вись-тала. (*Локтө Лена дорө, кисө пунктө пельном вылас сылы.*) Ме тэнө чойөс моз радейта. И веськыда тэныд шуа: ог думайт и ог лөсьөд-чы тэнсьыд шудтө жугөдны. (*Чөв олыштөм бө-рын.*) Алёша талун вөлі корө менө, мед ме тэныд висьталі, кутшөма сійө радейтө тэнө.

ЛЕНА. Зина! Ой... Прөстит менө. (*Кутлө сійөс.*)

ЗИНА. Тайө делөсө, сідзкө, ладмөдім? Сэсся вай мунөм йывсьыд төлкуйтыштам. Öні ме сёрниті начальниккөд.

ЛЕНА (*надейтчөмөн*). Да?

ЗИНА. Сійө со кызди шуис: тэ норматө тыр-тин, и сійө оз вермы тэнө кутны. Но колхоз кө шуас кольөдны тэнө татчө постоянной кадрө, начальник сразу жө мөдөдас тэнө электропиль-щикъясөс гөтөвитан краткосрочной курсьяс вылө.

ЛЕНА (*нимкодя*). Збыль?! И менө мөдө-дасны тайө курс вылас?

ЗИНА. Мөдөдасны.

ЛЕНА. Зина! Шаньөй тэ менам! (*Сывъяліс да бергөдлө.*)

Кылө паровозлөи тутсөм.

ЗИНА. Ой! Уськөдан!

Көтөрөн пырө Л ё ш а.

ЛЁША. Тайö нö кутшöм мельнича?

ЗИНА. Сувтöд сійöс, Алексей! Дзикöдз йöймис!

ЛЁША. А вот ме ещö на содта тiянлы! (*Ещö öдйöджык бергöдлö нывъясöс.*)

Куимнанныс усины диван вылö.

ЛЕНА. Уф... Қольми!

ЗИНА. Тайö турöб ставнымöс на кольмöдлас, тыдалö. Öнi мунам лым весавны. Ветлан, Лена?

ЛЕНА (*шай-паймунис*). Кыз нö ме муна, ме кö колхозö нин звöнитли локтöм йылысь?

ЗИНА. Звöнитлин, мый локтан?

ЛЕНА. Но да... Мый нö вöчны?

ЗИНА. Час ми та йылысь сёрнитлам накöд. (*Босьтö телефон трубка.*) Диспетчерскöй? Почтакöд йитöй... Почта? Срочнö йитöй «Асья кыа» колхозкöд. (*Бергöдлö ручка.*) «Асья кыа»? (*Леналы.*) Кыззи шуöны председа-тельсö?

ЛЕНА. Попов, Фёдор Петрович.

ЗИНА (*трубкаö*). Фёдор Петрович? Абу? Счетовод?

ЛЕНА. Пышкин.

ЗИНА (*Леналы*). Пышкиныд миянлы оз ков. (*Трубкаö.*) Пышкин ёрт! Тiянкöд сёрнитö лесоучастокысь комсомольскöй организацияса секретарь, коймöд лесоучастокса начальник нимсянь. Меным дзик пыр жö колö сёрнитны председателыныдкöд. Корöй сійöс, пöжалуйста. Да, да, дзик пыр! Ыджыд мог эм. (*Виччысьö.*)

ЛЕНА. Скөрмас ещö! Ыджыд тай мог лоöма.

ЗИНА. Мед видлө скөрмыны. Ме сылы гарышта, мый шуліс Сталин ёрт мян йөз йылысь, кадръяс йылысь. (*Трубкаө.*) Алло! Қоді тайө? Попов ёрт? Чолөм. Сёрнитө Қорнева, комсомольскөй организацияса секретарь. Меным тшөктісны тіянкөд сёрнитны со мый йылысь: миянын уджалө тіян колхозница Лена Қолипова. (*Раздельнөя.*) Ле-на Ко-ли-по-ва. Ми сійөс комсомолө примитам да электропильщикъясөс гөтөвитан курсъяс вылө мөдөдам. Постояннөй кадрө босьтам. Да, да! Но да, сөгласен, дерт, сійө. Мый? Ті абу сөгласенөсь? Мыйла?

ЛЕНА. Аддзан?

ЛЁША. Чөвлы.

ЗИНА. Энлө, энлө! Ті төданныд, кутшөм заказ ми өні выполняйтам? Коммунизмлөн великөй стройкаяслы — Сталинградскөй да Каховскөй гидроэлектростанцияслы. И ті, колхозникъяс, ёна отсаянныд миянлы, сезонникъясөс сетанныд. Тайөтө вернө. Но өд бурджыкъяссө на пөвстысь колө велөдны...

ЛЕНА. Сійөс он чег! Сэтшөм сійө.

ЗИНА. Ме төда, мый колхозлы колөны жөйөзыд. Но лоас кө Лена Қолипова квалифицированнөй уджалысь, сійө и ас колхозыс вылө тшөтш кутас уджавны. Тайө өтитор. А мөдарсянь-кө: морт кө окотитө, колө тайөн артасыны? А сійө збылысь окотитө!.. Юөртліс, мый локтөнин? (*Видзөдө Лена вылө.*)

ЛЕНА. Ме өд эг төд курсъяс йылысь.

ЗИНА. Сійө сэк оз на вөлі төд курсъяс йылысь. Сійөн и звөнитліс. Подсобникөн уджавны, дерт, сылы эз вөв интереснө кольчыны.

ЛЕНА. Дерт жö.

ЗИНА. А кор сійö тöдмаліс, мый индам велöдчыны,—вежис думсö да корö отсавны сылы шедöдны специальность. Ме надейтча, онö öт-кажитöй, Попов ёрт... Думыштланнды?

ЛЁША. Ура!

ЛЕНА. Дугды вай!..

ЗИНА. Вайö огö кутö нюжöдчыны, Попов ёрт. Öнi жö и колö решитны. Миянлы колö курсъяс комплектуйтны. А сылы колö тöдны — гортас мунны, али курсъяс вылö кольччыны. Кодарöкö вай висътав, Попов ёрт. Ме виччыся. И ставным ми танi виччысям. (*Пауза.*) Сöгла-сенöсь? Вот и бур!

ЛЁША. Ура!

ЗИНА (*сылы*). Энлы тэ! (*Трубкаö.*) Мый тi висъталанныд? Леспромхозсянь официальной заявка? Ыстам!

ЛЕНА. Лёша! (*Нимкодълаыс кутіс сійöс ки-öдыс.*)

ЗИНА. Атьö, Попов ёрт! Ыджыд атьö, комсомольскöйöс! Ме сідзи и чайтлі, мый тi мортыс гөгөрвоысь, чуткöй, бур сьölöма... Ещö öтчыдысь атьö! Видза колянныд! (*Öшöдö трубка.*) Миян ног лои!

ЛЕНА. Кутшöм ыджыд бур тэ меным вöчин! (*Окалö Зинаöс.*)

ЗИНА. Но, а öнi сэсья мöдiм!

П ы р ö П е т р о в н а.

ПЕТРОВНА. Кытчö тi?

ЗИНА. Турöбкöд вермасьны, бабушка! (*Ква-титö зыр да горöдö сывыны.*)

ЗИНА. { Мед коть туроб дуро скор,
Уджон юрго мян вор.
Отув ми ко — он йорт пико,
Борлань мянос он берт!

ЛЕНА. { Миян ягын они гажа.
Ягид они — абу важон.
Мотористо велодча.
Коди ме борся вотчас?!

ЛЕША. { Лэдзой меным йоктыштны,
Джоджо вартны кокон.
(Петровналань.)
Неужели менам кокысь
Джодж плаканыд пото?

Сералигтыр куимнанныс петоны.

ПЕТРОВНА (нюмгялигтыр). И збыль од: юрго
ворным! Ставнас юрго!

Занавес

Г. А. ФЕДОРОВ.

ЛЕС ЗВЕНИТ

Пьеса в одном действии



Коми АССР г. Сыктывкар

СОЮЗ ПИСАТЕЛЕЙ

Редактор *С. Раевский.*

Обложка и титул художника *М. П. Безносова.*

Техн. редактор *И. Оплеснин.*

Ц02656. Тираж 2 000. Заказ № 3071. Бумага $70 \times 92\frac{1}{32} = 0,375$ бум.-
лист. — 0,9 печ. лист. Уч.-изд. лист. 0,9. Подписано к печати 13|1-52 г.
Цена 50 коп.

г. Сыктывкар, республиканская типография Управления
Полиграфиздата при Совете Министров Коми АССР.

0-05

Доныс 50 көп.